

## Evening Dogri (NSD) Bulletin 31-03-2025

### आकाशवाणी

खास-खास खबरां .....

1. म्यांमार भूंचाल च अजें तगर 2000 थमां मते लोकें दी जान जाई चुकी दी ऐ।
2. केन्द्रीय मंत्री अमित शाह होरें आखेआ ऐ जे मोदी सरकार नै स्वास्थ्य क्षेत्र बक्खी समग्र दृष्टिकोण अपनाइयै देश दे स्वास्थ्य ढांचे गी उबड़ा चुक्केआ ऐ।
3. केन्द्री मंत्री होरें आखेआ जे दिल्ली-एनआरसी च बड्डे नार्को नेटवर्क दा पता चलेआ ऐ।
4. केन्द्र सरकार दे कम्चारिएं आस्तै एकीकृत पेंशन योजना कल्लै थमां लागू होग।
5. बिहार हॉकी इंडिया दे सैहयोग कन्नै मर्दे दी हीरो एशिया हाकी कप 2025 दी मेजबानी करोग।

<><><><><><><>

### Overall Myanmar

म्यांमार च पिछले हफते आए दे तबाही आले भूंचाल च मरने आलें दी गिनतरी दो ज्हार तगर जाई पुज्जी ऐ। शुक्रवार गी देश दे माडले क्षेत्र च 7.7 तीव्रमा आला भूंचाल आया हा जेहदे किश चिरे मगरा 6.4 तीव्रता आला इक होर झटका आया हा। म्यांमार दी फज्जेल नै दस्सेआ जे अजें तगर इस भूंचाल च 2 ज्हार 36 लोकें दी जान जाई चुकी दी ऐ ते 39 सौ थमां मते लोक घायल न। 270 लोक अजें बी लापता न। तोआई राज्य प्रशासन कौंसल दे अध्यक्ष वरिष्ठ जनरल मिमआंग हाइंग होरें म्यांमार च 7एं दिनें दे शोक दी घोषणा कीती ऐ। देसै च बचाह कम्मं गी अग्गे बघाया जा करदा ऐ। भारत, रूस, यूएई, संयुक्त राष्ट्र ते होरने देशें मनुक्ख सहायता दे कन्नै कन्नै माहिर खोज ते बचाह दल भेजे न।

<><><><><><><>

### Amit Shah

केन्द्री मंत्री अमित शाह होरें अज्जआचोआ ऐ जे पिछले इक दहाके थमां नरेन्द्र मोदी सरकार नै स्वास्थ्य क्षेत्र च सुधार आस्तै समग्र नजरिया अपनाइयै देश दे स्वास्थ्य ढांचे गी उबड़ा चुक्केआ ऐ। श्री शाह होरें आखेआ शुरू थमां लेइयै त्रीसे स्तर तगर स्वास्थ्य ढांचे च सुधार होआ ऐ। केन्द्री मंत्री हरियाणा दे हिसार च महाराजा अग्रसेन मैडिकल कालेज दे परिसर च

महाराजा अग्रसेन हुंदी प्रतिमा दा उद्घाटन करने दे मौके पर बोला करदे हे। इस मौके पर शा होरें नमीं बनाई गेदी आईसीयू इमारत दा उद्घाटन कीता ते पीजी होस्टल दा नींह पत्थर बी रखेआ। श्री शाह होरें आखेआ जे ब'रा 2013-14 च केन्द्र सरकार दा स्वास्थ्य सेवा आस्तै बजट 37 ज्हार करोड़ रपे हा जेहड़ा 2025-26 च 1 लक्ख 37 ज्हार करोड़ होई गेआ। उनें आखेआ जे जदूं नरेन्द्र मोदी होर प्रधानमंत्री बने हे तां जे देश च 7 एम्स अस्पताल हे जिंदे चा 6 अटल बिहारी वाजपेयी हुंदी सरकार दे दरान बने हे। उनें आखेआ जे इसलै देश च 23 एम्स न। उनें आखेआ जे मैडिकल कालेजें दी गिनतरी 327 थमां बधियै 766 तगर जाई पुज्जी ऐ। उनें आखेआ जे एमबीबीएस सीटें दी गिनतरी 31 ज्हार थमां बधियै 1 लक्का 15 ज्हार होई गई ऐ। अगजे 6एं ब'रें च 85 ज्हार बाद्दू सीटां जोड़ियां जांगन। इस मौके पर हरियाणा दे मुख्मन्त्री नायब सिंह सैनी, राज्य दी स्वास्थ्य मंत्री भारती सिंह राव, प्रदेश बीजेपी प्रमुख मोहन लाल बडाली ते होर खास लोक बी मजूद हे।

<><><><><><>

## UP

उत्तर प्रदेश च इक बड्डे प्रशासनिक फेरबदल च इलाहाबाद हाइ कोर्ट नै 582 न्यायिक अधिकारिएं दा तबादला करी दित्ता ऐ। तबादला कीते गेदे अधिकारिएं च अतिरिक्त जिला ते सत्र न्यायधीश, सिविल वरिष्ठ जज ते सिविल यूनियर जज शामिल न। इलाहाबाद हाई कोर्ट दे जायंट रजिस्ट्रार सतीश कुमार पुश्कर होरें सलाना तबादला 2025 दे हुक्म जारी कीता। बदले गेदे न्यायधीशें गी तुरत अपनी नमीं थाहरें पर कम्मकाज सांभने दे हुक्म जारी कीते गे न। कानपुर च सब्बने थमां मते तबादले कीते गे न जित्थें 13 न्यायधीशें गी फही नियुक्त कीता गेआ ऐ। 11 जजें गी अलीगढ ते 5एं गी बरेली थमां बदलेआ गेआ ऐ।

<><><><><><>

## Shah-Drugs

केन्द्र गृहमंत्री अमित शाह होरें आखेआ ऐ जे दिल्ली-एनसीआर च इक बड्डे नार्को पेटवर्क दा पता चलेआ ऐ। सोशल मीडिया पोस्ट राए श्री शाह होरें आखेआ जे नाटर्कोटिक्स कंट्रोल ब्यूरो एनसीबी ते दिल्ली पुलस नै गिराह गी फगड़ेआ ऐ ते 27 करोड़ रपे थमां मते मुल्ल दे मेथमफेटामाइड, एमडीएमए ते कोकीन गी बरामद कीता ऐ। टीम नै 5एं लोकें गी गिरफ्तार कीता ऐ। श्री शाह होरें इस बड्डी सफलता आस्तै एनसीबी ते दिल्ली पुलस दी सराहना कीती ऐ। उनें आखेआ जे सरकार दी नशीली दुआइए दे कारोबार दे खलाफ लगातार

कारवाई जारी ऐ की जे मोदी सरकार नै नशीली दुआइएँ दे खलाफ जीरो टालरेंस दी नीति अपनाई दी ऐ।

<><><><><><>

### PM-Vande Bharat

प्रधानमंत्री नरेन्द्र मोदी होर 19 अप्रैल गी कटरा थमां कश्मीर लेई पैहली वंदे भारत एक्सप्रेस गी रवाना करगंन। केन्द्री मंत्री डॉ. जितेन्द्र सिंह होरें जम्मू च संवाददाताएं गी संबोधत करदे होई आखेआ जे प्रधानमंत्री होर 19 अप्रैल गी उधमपुर पुज्जगंन ते दुनिया दे सब्बने शा उच्चे रेल पुल दा उद्घाटन करगंन। वंदे भारत रेल फिलहाल कटरा थमां चला करोग की जे जम्मू स्टेशन पर एहृदा नमीकरण आला कम्म चला करदा ऐ।

<><><><><><>

### Home Minister

केन्द्री गृहमंत्री अमित शाह होरें अगले हफते जम्मू कश्मीर दा दौरा लांगन। सूत्रें दस्सेआ जे अमित शाह होर मजूदा सुरक्षा स्थिति दी समीक्षा करने लेई जम्मू च इक उच्ची सतह आली सुरक्षा बैठक दी प्रधानता करगंन। सुरक्षा बवस्था दा जायजा लैने दे कन्नो कन्नी श्री शाह हुंदी अंतर्राष्ट्रीय बन्ने पर किश अगेत्रे इलाकें दा दौरा लाइयै सुरक्षा अमले कन्नै गल्लबात करने दी बी मेद ऐ।

<><><><><><>

### Search Kathua-Samba

सुरक्षा बलें अज्ज कडुआ ते सांबा जिलें च अपने तपाशी अभियान गी तेज करी दित्ता ऐ। सूफ्रैन च भखे दे टाकरे मगरा आतंकवादिएं गी फगड़ने लेई कठुआ च तपाशी अभियान अजें बी जारी ऐ। मुमकन खतरे दा पता लाने लेई तपाशी अभियान दे जारी रौहने करियै अफसर समूलचे इलाकें गी हाई अलर्ट पर रखे दा ऐ। एहृदे शा पैहले 27 मार्च गी सूफ्रैन राजबाग कठुआ च टाकरा लग्गा हा, जेहृदे च पुलसकर्मी शहीद ते दऊं आतंकवादी मारे गे हे।

<><><><><><>

## Vaishnav

केन्द्री जांच ब्यूरो सीबी आई कल नमीं दिल्ली च अपने 62में स्थापना दिवस दे मौके पर 21में डी.पी.कोहली मैमोरियल लेक्चर दा आयोजन करा रदी ऐ। केन्द्र मंत्री अश्विनी वैष्णव विकसित भारत @ 2047 सीबीआई आस्तै इक रोड मैप विशे सार डी.पी.कोहली मैमोरियल लेक्चर देंगन। इस मौके मंत्री होरें सीबीआई अधिकारिणं गी शानदार सेवाएं आस्तै राष्ट्रपति पुलस मैडल ते सराहनीय सेवाएं आस्तै पुलस मैडल बी भेंट करगंन। सीबीआई सन् 2000 अपने पैहले डायरेक्टर सुर्गीय धर्नाथ प्रसाद कोहली होरें गी सम्मान ते श्रद्धांजलि देने आस्तै डी.पी.कोहली लेक्चर दा आयोजन करदी ऐ।

<><><><><><>

## President-Eid

राष्ट्रपति द्रौपदी मुर्मू ते उपराष्ट्रपति जगदीप धनखड़ होरें ईद-उल-फितर दे मौके पर मुख्हे गी बधाई दित्ती। इक सोशल मीडियो पोस्ट दे राणं राष्ट्रपति मुर्मू होरें आखेआ जे एह ध्यार आपसी भाइचारे गी बधांदा ऐ ते करुणा ते दयाभाव गी बढ़ावा दिंदा ऐ। उनें इस मौके पर हर इक व्यक्ति दी जिंदगी च शांति, खुशी ते समृद्धि आस्तै दूआ कामना कीती ते आखेआ जे इस ध्याड़े कन्नैमनुक्खें गी अगड़े बधने दी भावना ते शक्ति मिलदी ऐ। उपराष्ट्रपति होरें आखेआ जे ईद दा ध्यार लोकें गी सांस्कृतिक विविधता थमां मिलने आली ताकत ते सांझा बंधन जेहड़ा उनेंगी इकजुट करना ऐ, उसी दश्रंदा ऐ। उनें नागरिकें थमां आग्रह कीता जे ओह ईद दी भावना कन्ने प्रेरत होइयै उनें मुल्लें लेई प्रतिबद्ध रौहन जेहड़े उनेंगी मुख्हे दी प्रगति दे बत्ते उप्पर लेई जंदे न।

<><><><><><>

## Pension

केन्द्र सरकार दे कर्मचारिणं आस्तै उकीकृत पेंशन योजना कल्लै थमां लागू कीती जाग। केन्द्र सरकार न यूपीएस गी राष्ट्रीय पेंशन बवस्था दे तैहत इक विकल्प दे रूपै च पेश कीता ऐ। पेंशन फंड नियामक ते विकास प्राधिकरण नै हाल व गै यूपीएस दे संचालय दे नियमें गी अधिसूचित कीता हा। एह नियम केन्द्र सरकार दे कर्मचारिणं गी त्रुं समूहें कन्नै सरबंधत न। पैहलद श्रेणी च 1 अप्रैल 2025 तगर सेवा च मजूद केन्द्र सरकार कर्मचारी शामिल न, दूई श्रेणी च ओह कर्मचारी होंगन जेहड़े 1 अप्रैल मगरा सेवा च भर्ती होंगन ते त्रीह श्रेणी च ओह कर्मचारी होंगन जेहड़े एनपीएस दा हिस्सा हे जे इस म्हीने दी 31 तरीक जां इस गिमां

पैहले रटैर होई चुके दे न। साढे संवाददाता नै दस्सेआ ऐ जे इस स्कीम कन्नै 23 लक्ख केन्द्र सरकार दे कर्मचारिएं गी लाह थ्होग।

<><><><><><>

## Vaishno Devi

चला'रदे नराते दरान श्री माता वैष्णो देवी जी दी यात्रा पर ओने आले भक्तें दा मता उत्साह दिखने गी लब्मा'रदा ऐ। कल पैहले नराते शा लेइयै अज्जै तगर तकरीबन 1 लक्ख श्रद्धालु माता दे दर्शन करी चुके दे न। श्री माता वैष्णो देवी अस्थापन बोर्ड आस्सेआ यात्रुएं दी यात्रा गी सखल्ला ते सहूलत आली बनाने लेई सुद्धे प्रबंध कीते गेदे न। रियासी जिले दी त्रिकुटा पहाड़िएं च स्थित इस तीर्थ आली थाहर पर नराते दरान भक्तें दी गिनतरी खासा बाद्धा दिक्खेआ गेआ ऐ। नरातें दरान माता दा आशीवाद लैने लेई देस भर थमां भक्त इतीं ओंदे न। तीर्थ यात्रुएं दी बधा'रदी भीड़ गी सांभने लेई टकोह्दे उपाह् लागू कीते गे न।

<><><><><><>

## IAF

भारतीय हवाई सेना अज्जै थमां ग्रीस च रंभ होआ करदे मते देसे आले हवाई अभ्यास आईएनआई ओसी एचओएस-25 च शामिल होआ'रदी ऐ। 12 घ्याड़े तगर चलने आले इस अीयास दी मेतबानी ग्रीस दी हेलेनिक हवाई सेना करा करदी ऐ जेह्डी ऐलिस दे ऐतिहासक इलाके एंड्राविडा एयर बेस पर आयोजित होआ करदा ऐ। एह अभ्यास 11 अप्रैल तगर चलोग। भारतीय वायु सेना दे जहाजे च जंगी जहाज आईएल-78 ते सी-17 कन्नै एसयू-30 एमकेआई जंगी जहाज शामिल न। एह अभ्यास बक्ख-बक्ख देसें दी हवाई सेना च अंतर्राष्ट्रीय सैह्योग ते तालमेल गी बढावा देग। एह्दे कन्नै योजना बनाने ते सांझे अभियाने च सिखलाई देने सरबंधी इक मौका उपलब्ध करोआग।

<><><><><><>

## Youth Parliament

युवा मामले ते खेड्ड मंत्रालय कल पैहली अप्रैल थमां 3 अप्रैल तगर नमीं दिल्ली च विकसित भारत युवा संसद दा सरिस्ता करोग। मंत्रालय मूजब 75 जहार शा बद्ध नोजवाने हर राज्य ते केन्द्र शासत प्रदेश थमां माई भारत पोर्टल राएं अपनियां वीडियो एंटरियां पेश कीतियां न, जिंदे च देसे दे भविक्ख गी नमीं शकल देने लेई उंदे उत्साह ते वचनबद्धता गी दिक्खेआ

जाई सकदा ऐ। विकसित भारत युवा संसद गी त्रै मुख्य चरणे दे ढांचे च रखेआ गेआ ऐ, जिंदे च जिला नोडल राउंड, राज्य राउंड ते राष्ट्री राउंड शामिल न। मंत्रालय नै इक ब्याने च आखेआ ऐ जे इस पैहल राएं सामने आए दे बचार ते चर्चा सेंद्रल हाल शा बड़ी अगुँ तगर जांगन ते समूलचे देसे च सुने जाई सकगंन। युवा नुमायंदगी आली नीति जुड़ा वते राष्ट्री तरक्की दे इक नमें युग दी बत्त पदरी करोग।

<><><><><><><>

## Tennis

भारतीय टेनिस दे शानदार खडारी युकी भांबरी एटीपी डबल्स रैंकिंग च टॉप 30एं च शामिल होई गे न। भांबरी होरें अपने करियर दी सब्बने शा उच्ची रैंकिंग बी हासल कीती ऐ। ओह भारत दे नंबर इक डबल्स खडारी बी बनी गे न। यूकी भांबरी नै रोहन्ना बोपन्ना दा बी साढ़े 5 बरे थमां टॉप पर बने रौहने दा रिकार्ड त्रोड़ी दित्ता ऐ। बोपन्ना हुन 44मीं थाहर पर आइ गे न। भांबरी पुर्तगाल दे अपने जोड़ीदार नूना बाग्रेस कन्नै हाल च गै मन्नी परमन्नी दी मियामी ओपन दे क्वार्टर फाइनल च पुज्जे हे पर बरतानवी जोड़ी लॉयड ग्लासपल ते जूलियन कैश थमां 6-7, 6-3, 8-10 कन्नै हारी गे हे।

<><><><><><><>

## Bihar Asia Cup

थबहार मर्दे दे हाकी हीरो एशिया कप 2025 दी मेजबानी हाकी इंडिया दे सैहयोग कन्नै करोग। एह एशियाई कपदी 12मां संस्करण होग। पटना च अज्ज हाकी इंडिया ते बिहार स्टेट स्पोर्ट्स अथारिटी बश्कार समझौता पत्र पर दस्तखत कीते गे। एह कार्यक्रम 29 अगस्त ते 7 सितम्बर 2025 बश्कार आयोजित कीता जाग। दक्खन कोरिया, भारत, पाकिस्तान, सनें कुल 8 टीमां इस प्रतियोगिता च हिस्सा लेंगन।

<><><><><><><>